

Saša Magazinović

1. Pitanja postavljena Ministarstvu pravde BiH:

1. Šta je urađeno i da li se planira nešto uraditi po pitanju pojednostavlјivanja procedura pri osnivanju udruženja i fondacija na nivou Bosne i Hercegovine?
 2. Koliko je osoba procesuirano u skladu s članom 145a. Krivičnog zakona Bosne i Hercegovine (Izazivanje nacionalne, rasne i vjerske mržnje, razdora i netrpeljivosti) i koliko njih je sankcionirano? Pitanje se odnosi na period od 2010. do 2013. godine.
 3. Koliko je osoba procesuirano u skladu s članom 145b. Krivičnog zakona Bosne i Hercegovine (Oštećenje ili rušenje vjerskih objekata) i koliko njih je sankcionirano u proteklih sedam godina?
 4. Koliko osoba je procesuirano u skladu s članom 147a. Krivičnog zakona Bosne i Hercegovine (Neovlašteno prisluškivanje i zvučno ili optičko snimanje) i koliko njih je sankcionirano u periodu od 2010. do 2013. godine?
 5. Koliko osoba je procesuirano u skladu s članom 185. Krivičnog zakona Bosne i Hercegovine (Zasnivanje ropskog odnosa i prijevoz osoba u ropskom odnosu) i koliko njih je sankcionirano u periodu od 2006. do 2013. godine?
 6. Koliko osoba je procesuirano u skladu s članom 186. Krivičnog zakona Bosne i Hercegovine (Trgovina ljudima) i koliko njih je sankcionirano u periodu od 2010. do 2013. godine?
 7. Koliko osoba je procesuirano u skladu s članom 202a. Krivičnog zakona Bosne i Hercegovine (Javno podsticanje na terorističke aktivnosti) i koliko njih je sankcionirano u posljednje tri godine?
 8. Koliko osoba je procesuirano u skladu s čl. 202b., 202c. i 202d. Krivičnog zakona Bosne i Hercegovine (Vrbovanje radi terorističkih aktivnosti, obuka za izvođenje terorističkih aktivnosti i organiziranje terorističke grupe) i koliko njih je sankcionirano u posljednje tri godine?
 9. Koliko osoba je procesuirano u skladu s članom 205. Krivičnog zakona Bosne i Hercegovine (Krivotvorenje novca) i koliko njih je sankcionirano u periodu od 2006. do 2013. godine?
 10. Koliko osoba je procesuirano u skladu s članom 210. Krivičnog zakona Bosne i Hercegovine (Poreska utaja ili prevara) i koliko njih je sankcionirano u posljednje tri godine?
 11. Koliko osoba je procesuirano u skladu s članom 231. Krivičnog zakona Bosne i Hercegovine (Neprijavlјivanje osobe koja je optužena od Međunarodnog krivičnog suda) i koliko njih je sankcionirano u posljednjih 20 godina?
 12. Ured za reviziju institucija Bosne i Hercegovine u svom Izvještaju o reviziji finansijskog poslovanja Ministarstva pravde BiH za 2012. godinu navodi nerealizirane preporuke. Da li ste realizirali preporuke Ureda za reviziju institucija Bosne i Hercegovine?
2. Pitanje postavljeno Vijeću ministara BiH – “Molim Vas da mi dostavite spisak svih institucija Bosne i Hercegovine s imenima rukovodilaca i ukupnim iznosom mjesečnih primanja po osnovu obavljanja funkcije?”
 3. Pitanje postavljeno Fondu za povratak BiH - Koji su vidljivi rezultati Fonda za povratak BiH u periodu od 2010. do 2013. godine, a koji se odnose na finansiranje i sufinansiranje povratnika? Molim vas da odgovor sadrži kvantificirane podatke.
 4. Pitanje postavljeno direktoru Agencije za antidopinšku kontrolu Bosne i Hercegovine - Koji su najznačajniji rezultati rada Vaše institucije u 2012. i 2013. godini?

5. Pitanje postavljeno Ministarstvu prosvjete i kulture Republike Srpske - Molim da mi dostavite informaciju o ukupnom broju zaposlenih s podacima o njihovoj nacionalnoj strukturi?
6. Pitanja postavljena Vladi Kantona Sarajevo:
 1. Molim da dostavite spisak svih javnih ustanova i javnih preduzeća u Kantonu Sarajevo s prikazima ukupnih dugovanja?
 2. Molim da dostavite spisak svih javnih preduzeća u Kantonu Sarajevo s imenima rukovodilaca i ukupnim iznosom mjesečnih primanja po osnovu obavljanja funkcije?"
7. Pitanja postavljena Upravi za indirektno oporezivanje BiH:
 1. "Na kojim graničnim prijelazima je zabilježen najveći broj carinskih prekršaja? "
 2. Šta je učinjeno po pitanju problema u vezi s načinom čuvanja i rješavanja pitanja statusa oduzete robe u postupcima koje vodi Uprava za indirektno oporezivanje BiH?"
8. Pitanje postavljeno Ministarstvu za ljudska prava i izbjeglice BiH - Koliko je građana Bosne i Hercegovine izvršilo povrat imovine od 1996. godine do danas?
9. Pitanje postavljeno direktoru Granične policije BiH - Kako ocjenjujete osposobljenost Granične policije BiH za borbu protiv krijumčarenja narkotika?
10. Pitanje postavljeno Uredu za reviziju institucija BiH - Ko vrši reviziju finansijskog poslovanja Ureda za reviziju institucija Bosne i Hercegovine?
11. Pitanje postavljeno Pravobranilaštvu BiH - Da li ste realizirali sve preporuke koje su ponovo navedene u Izvještaju Ureda za reviziju institucija Bosne o reviziji finansijskog poslovanja Pravobranilaštva BiH za 2012. godinu? Ako niste, šta je razlog?
12. Pitanje postavljeno Zavodu zdravstvenog osiguranja Kantona Sarajevo - Koliko je ukupno zaposlenih i kakva je nacionalna struktura zaposlenih u Zavodu zdravstvenog osiguranja Kantona Sarajevo?
13. Pitanje postavljeno Ustavnom sudu BiH - Da li je Ustavni sud BiH postupio po preporuci Ureda za reviziju institucija BiH u smislu realizacije izdataka za reprezentaciju?
14. Pitanje postavljeno Službi za poslove sa strancima - Da li ste realizirali preporuku Ureda za reviziju institucija BiH u smislu otklanjanja nedostataka prilikom korištenja službenih vozila? Ako preporuka nije ispoštovana, šta je razlog?
15. Pitanje postavljeno Agenciji za unapređenje stranih investicija u BiH- Da li je Agencija za unapređenje stranih investicija u BiH postupila po preporuci iz Izvještaja Ureda za reviziju institucija BiH o reviziji finansijskog poslovanja Agencije za unapređenje stranih investicija u BiH za 2012. godinu?
16. Pitanje postavljeno Agenciji za lijekove i medicinska sredstva BiH - Da li ste realizirali preporuke iz Izvještaja Ureda za reviziju institucija BiH o reviziji finansijskog poslovanja Agencije za lijekove i medicinska sredstva BiH za 2011. Godinu? Ako niste, šta je razlog?
17. Pitanje postavljeno Općini Centar, Općini Stari Grad, Općini Novi Grad, Općini Novo Sarajevo, Općini Ilidža, Općini Hadžići, Općini Vogošća, Općini Ilijaš i Općini Zenica – Koliko je osoba koje su tužile općinu zbog ujeta pasa i koliko je do sada ukupno sredstava isplaćeno na ime obeštećenja iz općinskog budžeta?
18. Pitanja postavljena Ministarstvu unutrašnjih poslova Kantona Sarajevo:
 1. Koliko osoba je procesuirano u skladu s članom 237. Krivičnog zakona Federacije Bosne i Hercegovine (Služenje alkoholnih pića mlađim maloljetnicima) i koliko ih je sankcionirano u protekle dvije godine?
 2. Molim da mi se dostavi tačan broj procesuiranih osoba koje su počinile krivično djelo po članu 333. Krivičnog zakona Federacije Bosne i Hercegovine (Ugrožavanje javnog saobraćaja zbog omamljenosti) i koliko njih je sankcionirano na način propisan Krivičnim zakonom Federacije Bosne i Hercegovine u protekle dvije godine?

19. Pitanje postavljeno Institutu za nestala lica BiH - Da li ste ispunili preporuku Ureda za reviziju institucija BiH po pitanju ranije uočenih nedostataka u sistemu javnih nabavki?
20. Pitanje postavljeno Komisiji za koncesije BiH - Da li ste izvršili izmjene odredbi internog pravilnika o pravu na 24-satno korištenje vozila, a što je preporuka Ureda za reviziju institucija BiH?